



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 147. An sit usura, si Cajus det Titio 100. mutuos, cum pacto, ut si Cajus post 10. annos vixerit, Titius reddat 300., si autem non vixerit, nihil reddat.

urn:nbn:de:hbz:466:1-42561

q. 78. a. 2. ad 4. ait, licet simul mutuanti unum ali-
quid aliud mutuum recipere, non autem licet eum obli-
gare ad mutuum impostorum faciendum.

*Q. 147. An sit usura, si Cajus det Titio 100: mu- 896
tuos, cum pacto, ut si Cajus vixerit post 10: annos, Ti-
tius reddat 300:, si autem non vixerit, nihil reddat. R.
Videtur affirmare S. Th. Opusc. 73. c. 6. his ver-
bis: Si quis alicui aliquam pecuniam dederit mutuò v.
g. 100: libras ad 10 annos, ita quod si infra hoc tem-
pus mortuus fuerit alter ipsorum, liberatus sit à debito
& à mutuo, qui ipsum acceperit, si vero supervixerint
ambo, dabit post 10 annos, qui mutuum accepit, 250
libras ei, qui mutuum dederat, non excusat propter
dubium & periculum ab usura. Econtrà Dian. cum
aliis, quos citat p. 7. t. 9. R. 71. Tambur. §. 5. n. 6.
Spor. t. 6. c. 4. n. 42. dicunt in eo nihil usurarium
aut illicitum intervenire, eò quod non sit con-
tractus mutui sed ludi vel sponsionis, & licitum
sit deponere parvam summam contra magnam
brevi etiam perdendam aut lucrandam, quando
utrumque est proportionatum periculum & con-
ditio, ut hìc videtur esse. Similiter si Cajus acci-
piat à Titio 100: eo pacto, ut teneatur reddere
200:, si post duos annos redeat in patriam, alio-
quin ad nihil teneatur, Az. Fill. Scaccia, Dian. R.
72. dicunt hunc contractum esse licitum: Idem
dicunt cum Dian. R. 73., si Titius det Cajo 100:
eo pacto, ut si Titius vixerit post annum, reddat
200:, si autem sit mortuus, nihil reddat ipse aut
hæredes: Item illum, ut si Titius vixerit, reddat
110:, si non vixerit, reddat hæredibus illius 85:,
& in his duobus ultimis consentit Bonac. de Rest.
d. 2. q. 3. p. 1. n. 18. ob eandem rationem, quod
non sit contractus mutui sed sponsionis: notant*

Mm 5

tamen

tamen omnes, in primis fieri non debere ad palliandam usuram, aut ex intentione lucri ex mutuo ; deinde debere fieri secundum parem vel proportionatam utrumque conditionem, nam si Titius daret 100: Cajo, eo pacto, ut post annum, si Titius vivat, Cajus restituat 110:, si verò Titius obierit, ut tum restituat 90: hic contractus non justificatur eventu fortuito, nam dispar est conditio, quia longè probabilius est eum supervicturum. Putat tamen *Less.* in *Auct. V. Mutuum, cas. 2.* talem contractum justificari posse duobus aliis titulis, in primis si intendant tres contractus, de quibus dictum est n. 876., addito contractu sortium; deinde si intendant emere & vendere censum personale in utrumque redimibilem, & simul adjungant contractum sortium : Sed hac omnia usuræ palliatæ vel saltem mentali valde obnoxia sunt, cum semper interveniat virtuale mutuum.

897 Q. 148. *Quomodo pœna imponi possit mutuatio.* R. Licitè fit pactum de pœna à mutuatario solvenda, si præfixo tempore non reddiderit mutuum, dummodo adsint hæ conditions, 1. Pœna non debet apponi pro pallianda usura, nec tanquam premium dilationis, uti dictum est n. 872., sed quia re ipsa periculum est, ne nimium differatur vel omittatur restitutio, & ut mutuarius per pœnam deterreatur à violanda fide & à dilapidanda sorte. 2. Dilatio vel omissio restitutio debet esse mutuatario culpabilis, qualis est, si dilapidando sortem aut bona sua prævidit se non fore potentem restituere. 3. Pœna debet esse moderata & proportionata culpæ, alioquin mutuarius iniquè cogitur in eam consentire.

Quod